

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՉԱԺՈՂՈՎ**

ԾՐԱԳԻՐ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ
ԿԱՐԳԱՎՈՐՈՂ ՀԱՆՉԱԺՈՂՈՎԻ 2007 ԹՎԱԿԱՆԻ
ԳՈՐԾՈՒՄԵՈՒԹՅԱՆ**

Բովանդակություն

Նախաբան.....	3
1. Կարգավորման օրենսդրական դաշտի կատարելագործում.....	3
2. Գործունեության լիցենզավորում և թույլտվությունների տրամադրում.....	5
3. Կարգավորվող ընկերությունների ֆինանսատնտեսա- կան գործունեության վերլուծություն	6
4. Սակագնային քաղաքականություն.....	6
5. Ներդրումային ծրագրերի համաձայնեցում, սպառողների սպա- սարկման որակի ցուցանիշների սահմանում և վերահսկում	9
6. Հեռահաղորդակցության բնագավառ.....	12
7. Էլեկտրական, ջերմային էներգիայի և բնական գազի սպառման ծավալների կանխատեսում	15
8. Սպառողների հետ տարվող աշխատանքներ.....	20
9. Զանգվածային լրատվամիջոցների, հասարակական կազմակերպությունների հետ տարվող աշխատանքներ.....	21
10. Համագործակցություն	
	22

Նախարան

Հայաստանի Հանրապետության հանրային ծառայությունները կարգավորող հանձնաժողովը (այսուհետև՝ հանձնաժողով) էներգետիկայի, հեռահաղորդակցության (Էլեկտրոնային հաղորդակցության) բնագավառներում և ջրային համակարգում կարգավորող մարմին է, որը գործում է Հանրային ծառայությունները կարգավորող մարմնի մասինե, Էներգետիկայի մասինե, Էլեկտրոնային հաղորդակցության մասինե Հայաստանի Հանրապետության օրենքներով և Հայաստանի Հանրապետության ջրային օրենսգրքով իրեն վերապահված իրավասությունների շրջանակում:

Հանձնաժողովի կառուցվածքային ստորաբաժանումներն են.

- սակագնային քաղաքականության վարչություն՝
 - ա) սակագնային բաժին,
 - բ) ֆինանսական վերլուծության բաժին,
- իրավաբանական և լիցենզավորման վարչություն,
- լիցենզավորված գործունեության մոնիթորինգի և ներդրումային ծրագրերի վարչություն՝
 - ա) տեխնիկական մոնիթորինգի և փորձաքննության բաժին,
 - բ) ներդրումային ծրագրերի բաժին,
- հեռահաղորդակցության վարչություն,
- սպառողների հետ կապերի բաժին,
- վարչատնտեսական բաժին:

Հանձնաժողովի ստորաբաժանումների աշխատանքը, «Քաղաքացիական ծառայության մասին» Հայաստանի Հանրապետության օրենքի համաձայն, համակարգում է հանձնաժողովի աշխատակազմի ղեկավարը:

1. Կարգավորման օրենսդրական դաշտի կատարելագործում

Կարգավորվող ոլորտների օրենսդրական դաշտի կատարելագործումը շարու-նակական գործընթաց է և հանդիսանում է հանձնաժողովի կարևորագույն գործառույթներից մեկը:

Էներգետիկայի բնագավառի կարգավորման իրավական դաշտի կատարելագործման ուղղությամբ հանձնաժողովը 2006 թվականին մշակել և հաստատել է մի շարք իրավական ակտեր, մասնավորապես՝

ա) «Էլեկտրաէներգետիկական համակարգում էլեկտրաէներգիայի բաշխման և արտադրման, հաղորդման լիցենզիա ունեցող անձանց օպերատիվ փոխհարաբերությունների կարգը», որով կարգավորվում են էլեկտրաէներգետիկական համակարգի օպերատորի օպերատիվ կառավարմանը չհանձնված սարքավորումների օպերատիվ ենթակայության խնդիրները և դրանց կարգավարման ընթացքում փոխհարաբերությունները,

բ) «Էլեկտրաէներգիայի (հզորության) հաշվառման միջոցների տեղադրման և շահագործման կարգը», որի շնորհիվ կարգավորվում են էլեկտրաէներգետիկական շուկայում գործող ընկերությունների փոխհարաբերությունները էլեկտրաէներգիայի (հզորության) հաշվառման համակարգում հաշվառման համալիրների տեղակայման և փոխարինման ընթացքում:

Անհրաժեշտ փոփոխություններ են կատարվել «Վերականգնվող էներգառեսուրսներ օգտագործող ինքնավար արտադրողների միկրոէլեկտրակայանների և էլեկտրաէներգետիկական համակարգի գուգահեռ աշխատանքի կարգում», որոնց արդյունքում կարգի գործողությունը տարածվում է նաև համակցված ցիկլով էլեկտրական և ջերմային էներգիա ինքնավար արտադրողների վրա:

2007 թվականին կշարունակվեն էներգետիկայի բնագավառի կարգավորման իրավական դաշտի կատարելագործման աշխատանքները: Մասնավորապես, կմշակվեն՝

ա) «Էլեկտրաէներգիա արտադրող կայանները էլեկտրաէներգետիկական համակարգին միացնելու կարգը»,

բ) «Էլեկտրաէներգետիկական համակարգի էլեկտրական հզորությունների պատրաստականության ստուգման կարգը»,

գ) «Բաշխման համակարգի օպերատորի և սպառողների օպերատիվ փոխհարաբերությունների կարգը»:

Ելնելով էլեկտրաէներգիայի մատակարարման և օգտագործման նոր կանոնների պահանջներից, 2007 թվականին կլրամշակվեն և կիաստատվեն էլեկտրաէներգիայի առուվաճառքի մատակարար-սպառող պայմանագրերի օրինակելի ձևերը:

Հանձնաժողովն ակտիվ մասնակցություն է ունեցել «Զրային համակարգի կարգավորման մասին» << օրենքի նախագծի և դրանից բխող` << ջրային օրենսգրքում, «Հանրային ծառայությունները կարգավորող մարմնի մասին» << օրենքում և մի շարք այլ օրենքներում համապատասխան փոփոխություններ և լրացումներ կատարելու մասին օրենքների նախագծերի մշակման

աշխատանքներին:

«Զրային համակարգի կարգավորման մասին» <<օրենքի ընդունումից հետո 2007 թվականին հանձնաժողովը կմշակի և կընդունի այդ օրենքով պայմանավորված մի շարք իրավական ակտեր:

Հեռահաղորդակցության բնագավառի կարգավորման օրենսդրական դաշտի կատարելագործմանն ուղղված 2007 թվականի առաջնահերթ խնդիրները շարադրված են սույն ծրագրի 6-րդ բաժնում:

2. Գործունեության լիցենզավորում և թույլտվությունների տրամադրում

Հանձնաժողովը 2006 թվականին շարունակել է կարգավորվող բնագավառներում գործունեության լիցենզիաների (թույլտվությունների) տրամադրման գործընթացը: «Բարձրավոլտ Էլեկտրացանցեր» ՓԲԸ-ին տրամադրվել է հանրապետության համար կենսական և ռազմավարական նշանակություն ունեցող Իրան-Հայաստան գազամուղի Մեղրի-Քաջարան շուրջ 40 կմ երկարությամբ բնական գազի փոխադրման ցանցի կառուցման լիցենզիա:

<< Զրային օրենսգրքի պահանջներին համապատասխան, 2006 թվականին հանձնաժողովը, զրային ոլորտում Հայաստանի Հանրապետության տարածքային կառավարման նախարարության զրային տնտեսության աետական կոմիտեի, «Երևան Զուր» փակ բաժնետիրական ընկերության և ֆրանսիական «Ժեներալ դեզ Օ» ընկերության միջև 2005 թվականի դեկտեմբերի 14-ին կնքված վարձակալության պայմանագրի համաձայն «Երևան Զուր» ՓԲԸ-ին 10 տարի գործողության ժամկետով տրամադրել է զրային համակարգի օգտագործման թույլտվություն՝ համապատասխան պայմաններով, որոնց բաղկացուցիչ մասն է կազմում նաև վարձակալության ժամանակահատվածում սակագների ճշգրտման մեթոդաբանությունը: Հաշվի առնելով Հայաստանի Հանրապետության կառավարության 2006 թվականի փետրվարի 9-ի «Ուռոգում-Զրառ» փակ բաժնետիրական ընկերությունը վերակազմակերպելու մասին» N164Ն որոշումը, հանձնաժողովը ոռոգման ջրի մատակարարման ծառայության մատուցման համար զրային համակարգի օգտագործման թույլտվություններ է տրամադրել «Ուռոգում-Զրառ» փակ բաժնետիրական ընկերության վերակազմակերպման արդյունքում ստեղծված «Ախուրյան-Արաքս-Զրառ», «Դեբեդ-Աղստև-Զրառ», «Սևան-Հրազդանյան-Զրառ», «Որոտան-Արփա-Զրառ» ՓԲԸ-ներին:

«Էլեկտրոնային հաղորդակցության մասին» << օրենքի համաձայն իրականացնելով հեռահաղորդակցության բնագավառի կարգավորման գործառույթը, 2006 թվականի հունվարի 1-ից մինչև սեպտեմբերի 1-ը հանձնաժողովը տրամադրել է տվյալների հաղորդման և ինտերնետ

հասանելիության ծառայությունների մատուցման 15 լիցենզիա:

2006 թվականի սեպտեմբերի 1-ի դրությամբ հանձնաժողովը տրամադրել է նաև փոքր ՀԷԿ-երի կառուցման և արտադրության թվով 19 լիցենզիա:

ՀՀ հանրային ծառայությունները կարգավորող հանձնաժողովն ապահովում է նաև կարգավորվող ընկերությունների կողմից ՀՀ պետական բյուջե պետական տուրքերի և ռադիոհաճախականությունների օգտագործման վճարների գանձման գործընթացը: 2006 թվականի սեպտեմբերի 1-ի դրությամբ այդ աղբյուրներից ՀՀ պետական բյուջե է փոխանցվել մոտ 554 մլն դրամ, որը մինչև տարեվերջ կկազմի 1 193 մլն դրամ: 2007 թվականին հանձնաժողովը կշարունակի տարեկան պետական տուրքերի և ռադիոհաճախականությունների օգտագործման վճարների գանձման ապահովման գործընթացը: Ներկայիս կանխատեսումներով նշված աղբյուրներից 2007 թվականին ՀՀ պետական բյուջե կգանձվի 1 275 մլն դրամ:

2007 թվականին հանձնաժողովը կշարունակի լիցենզավորման և թույլտվությունների տրամադրման գործընթացը՝ կատարելագործելով կարգավորվող գործունեություն իրականացնող անձանց շահերի հավասարակշռման, նրանց համար գործունեության միատեսակ պայմանների ապահովման մեխանիզմները:

3. Կարգավորվող ընկերությունների ֆինանսատնտեսական գործունեության վերլուծություն

Կարգավորվող ընկերությունների ֆինանսատնտեսական գործունեության վերլուծությունը հանձնաժողովի կարևորագույն գործառույթներից մեկն է և նպատակառուղյած է կարգավորմանը վերաբերող հիմնավորված որոշումների ընդունմանը:

Կարգավորվող բոլոր ոլորտների համար արդեն մշակված և ներդրված ֆինանսատնտեսական հաշվետվությունների ձևերի հետ մեկտեղ, կարևորվում է ընկերություններում ազգային հաշվային պլանին համապատասխանող հաշիվների և ենթահաշիվների նոր համակարգի ներդրումը, որը հնարավորություն է ընձեռում հստակ տարանջատել հիմնական (լիցենզավորված) և ոչ հիմնական գործունեության եկամուտներն ու ծախսերը, կատարել վերջիններիս մանրամասն հաշվառում և վերլուծություն:

Հաշվի առնելով էլեկտրաէներգետիկական և գազամատակարարման բնագավառներում ենթահաշիվների համակարգի ներդրման հանձնաժողովի փորձը, 2006 թվականին աշխատանքներ են տարվում ջրային համակարգի ընկերություններում ենթահաշիվների համակարգ ներդնելու ուղղությամբ, որոնք իրենց շարունակական զարգացումը կունենան նաև 2007 թվականին:

2006 թվականին հաստատվել են «ԱրմենՏԵԼ» ՓԲԸ-ի կողմից հանձնաժողով ներկայացվող ֆինանսական հաշվետվությունների ձևերը, որն էապես կնպաստի այդ ընկերության ծախսերի մոնիթորինգի արդյունավետության բարձրացմանը և առավել իհմնավորված սակագների սահմանմանը:

Կարգավորվող ընկերությունների ֆինանսատնտեսական
հաշվետվությունների ձևերի կատարելագործման աշխատանքները
շարունակական բնույթ են կրում և կիրականացվեն նաև 2007 թվականին:

4.Սակագնային քաղաքականություն

Հիմք ընդունելով 2005 թվականին ընդունված «Հայաստանի Հանրապետության հանրային ծառայությունների կարգավորման պարտադիր վճարների մասին» ՀՀ օրենքի պահանջը, հանձնաժողովն ընթացիկ տարում հաստատել է հանրային ծառայությունների կարգավորման պարտադիր վճարների հաշվառման կարգը, ինչպես նաև համաձայնություն է տվել Հայաստանի Հանրապետության կառավարությանն առընթեր հարկային պետական ծառայության կողմից ներկայացված հանրային ծառայությունների կարգավորման պարտադիր վճարի հաշվետվության ձևին: Մինչև տարվա վերջ նախատեսվում է ձշգրտել և հաստատել հանրային ծառայությունների կարգավորման պարտադիր վճար վճարողների 2007 թվականի անվանական կազմը և հանրային ծառայությունների կարգավորման պարտադիր վճարների տարեկան դրույքաչափերը:

Ընթացիկ տարվա սկզբին Վրաստան-Հայաստան սահմանի վրա ներկրվող ռուսական գագի գնի բարձրացման հետ կապված՝ հանձնաժողովը «Հայ՛՛ՈՒՍԳԱՎԱՐԴ» փակ բաժնետիրական և «Տրանսգազ» սահմանափակ պատասխանատվությամբ ընկերությունների ներկայացրած հայտերի հիման վրա վերանայել է գազանատակարարման համակարգի սակագները:

«Հայ՛՛ՈՒՍԳԱՎԱՐԴ» փակ բաժնետիրական ընկերության կողմից վաճառվող բնական գագի սակագների բարձրացման հետ կապված «Հրազդանի Էներգետիկ կազմակերպություն (ՀրազՁԷԿ)» բաց և «Երևանի ՋԷԿ» փակ բաժնետիրական ընկերությունների ներկայացրած էլեկտրական էներգիայի սակագների հայտերի հիման վրա վերանայվել են նշված ընկերությունների կողմից առաքվող էլեկտրական էներգիայի (հզորության) սակագները: Միաժամանակ, էլեկտրա-էներգետիկական համակարգի ֆինանսական կայունությունն ապահովելու, ինչպես նաև վերջնական սպառողներին վաճառվող էլեկտրական էներգիայի սակագների

աձը կանխելու նպատակով վերանայվել են «Որոտանի ՀԵԿ» փակ բաժնետիրական ընկերության կողմից առաքվող էլեկտրական էներգիայի (հզորության) և «Բարձրավոլտ էլեկտրացանցեր» փակ բաժնետիրական ընկերության կողմից էլեկտրաէներգետիկական համակարգին էլեկտրական էներգիայի հաղորդման ծառայության մատուցման սակագները:

Հաշվի առնելով «Հայաստանի էլեկտրական ցանցեր» փակ բաժնետիրական ընկերության համար հաստատված էլեկտրական էներգիայի բաշխման լիցենզիայի պայմանները, համաձայն որոնց 2007 թվականի հունվարի 1 -ից սակագնի հաշվարկում ներառվող էլեկտրաէներգիայի կորուստների մեջությունը նվազեցվելու է մինչև 13.5%, ինչպես նաև հիմք ընդունելով էլեկտրաէներգիայի արտադրության ու սպառման կանխատեսումները և ֆինանսական հաշվետվություններով ներկայացված փաստացի ծախսերի ու իրականացրած կապիտալ ներդրումների վերլուծության արդյունքները, հանձնաժողովը մինչև սույն թվականի դեկտեմբերի 1 -ը կճշգրտի «Հայաստանի էլեկտրական ցանցեր» փակ բաժնետիրական ընկերության գործող սակագնային մարժայի մեջությունը: Համապատասխանաբար կվերանայվեն նաև արտադրող կայաններից առաքվող էլեկտրաէներգիայի և էլեկտրաէներգետիկական համակարգին մատուցվող ծառայությունների սակագները:

Ընթացիկ տարում մշակվել և հաստատվել են Հայաստանի Հանրապետությունում վերականգնվող էներգիայի աղբյուրների կիրառմանը էլեկտրական էներգիայի արտադրության լիցենզավորված գործունեություն իրականացնող անձանց կողմից հանձնաժողով ներկայացվող լիցենզավորված գործունեության վերաբերյալ պարզեցված տեխնիկատնտեսական տեղեկատվության ձևերը:

2006 թվականի սեպտեմբերի 1-ի դրությամբ սահմանվել են թվով 7 նորակառուց փոքր հիդրոէլեկտրակայանից առաքվող էլեկտրական էներգիայի սակագները:

Լրամշակվել է բնակչության և բազմաբնակարան շենքերում գտնվող կազմակերպությունների ներտնային գազասպառման համակարգերի նախագծման, շինհավաքակցման և կարգաբերման աշխատանքների կատարման ծախսերի հաշվարկման մեթոդիկան, որտեղ ներառված է նաև ծխատար և օդատար ուղիների առաջնային գննման, մաքրման ու վերանորոգման աշխատանքների հետ կապված ծախսերի հաշվարկը:

2005 թվականի վերջին Երևանի «Զրմուղ-կոյուղի» փակ բաժնետիրական

ընկերության վարձակալության համար հայտարարված նրանություն հաղթող ճանաչված ֆրանսիական «Ժեներալ Ռեզ Օ» ընկերությունը Հայաստանի Հանրապետության կառավարության հետ վարձակալության պայմանագիր ստորագրելուց հետո ստեղծել է «Երևան Զուր» փակ բաժնետիրական ընկերությունը: Համաձայն «Երևան Զուր» ՓԲԸ-ին հանձնաժողովի կողմից տրամադրված ջրային համակարգի օգտագործման թույտվության պայմանների անբաժանելի մաս կազմող վարձակալության 10 տարիների համար բազիսային սակագների ճշգրտման մեթոդաբանության, ընկերությունը՝ սկսած 2007 թվականից, յուրաքանչյուր տարի մինչև տվյալ տարվա փետրվարի 28-ը հանձնաժողով կներկայացնի հաջորդ հաշվարկային տարվա ճշգրտված սակագների հաշվարկը, որի քննարկման արդյունքում հանձնաժողովը որոշում կը նույնի հուլիսի 1-ից ուժի մեջ մտնող նոր սակագների վերաբերյալ: Բազիսային սակագների ճշգրտումը կիրականացվի սակագնային մեթոդաբանությունում անրագրված ցուցանիշների, այն է՝ մանրածախ ջրամատակարարման ծավալների, տարեկան սղածի, եվրո / դրամ փոխարժեքի և վարձակալ ընկերությանը մատակարարվող էլեկտրոաէներգիայի սակագների նախորդ հաշվարկային տարում տեղի ունեցած փոփոխություններից ելնելով:

Հաշվի առնելով «ԱրմենՏել» փակ բաժնետիրական ընկերության թիվ 60 լիցենզիայի վերախմբագրված և լրացված տարբերակի «Սակագներ» հոդվածի 6.Բ.1. կետը, յուրաքանչյուր տարի՝ սկսած 2005 թվականից մինչև 2007 թվականը ներառյալ, մինչև սեպտեմբերի առաջին երկուշաբթի օրը «ԱրմենՏել» փակ բաժնետիրական ընկերությունը պարտավոր է հանձնաժողով ներկայացնել սակագների առաջարկվող ճշգրտումները՝ հիմք ընդունելով համապատասխան ծախսումների գնահատականները: Այդ կապակցությամբ հանձնաժողովը նշակել և հաստատել է «ԱրմենՏել» փակ բաժնետիրական ընկերության կողմից բացարկ իրավունքով մատուցվող հիմնական և ոչ հիմնական ծառայությունների սակագների սահմանման ու ճշգրտման համար ներկայացվող ծախսումների ֆորմատը:

Հաշվի առնելով նույն լիցենզիայի այլ դրույթները՝ հանձնաժողովը նախատեսում է 2007 թվականին քննարկել և հաստատել «ԱրմենՏել» փակ բաժնետիրական ընկերության կողմից սահմանված ծախսումների բաշխման մեթոդաբանությունը, համաձայն որի «ԱրմենՏել» փակ բաժնետիրական ընկերությունը հանձնաժողովի սահմանած կարգով պետք է վարի համապատասխան կարգավորվող հաշիվները և դրանց հիման վրա կազմված

հաշվետվությունները 2008 թվականի սկզբից ներկայացնի հանձնաժողով:

5. Ներդրումային ծրագրերի համաձայնեցում, սպառողների սպասարկման որակի ցուցանիշների սահմանում և վերահսկում

2007 թվականին հանձնաժողովի սահմանած կարգով կշարունակվեն կարգավորվող ընկերությունների կողմից իրականացվող կարճաժամկետ և երկարաժամկետ ներդրումային ծրագրերի ուսումնասիրության և համաձայնեցման գործընթացները, ինչպես նաև կուսումնասիրվեն ընկերությունների 2006 թվականի ներդրումային գործունեության արդյունքները և կիրապարակվեն համապատասխան վերլուծական տեղեկանքներ:

Նոր որակական անցում կկատարվի «Հայաստանի էլեկտրական ցանցեր» փակ բաժնետիրական ընկերության կողմից իրականացվող երկարաժամկետ ներդրումային ծրագրերի ուսումնասիրության և համաձայնեցման գործընթացում: Սկսած 2004 թվականի երկրորդ կիսամյակից հանձնաժողովն ստեղծում է սպառողների սպասարկման որակի ցուցանիշների վերաբերյալ տեղեկատվական բազաներ, որոնք 2005 թվականից յուրաքանչյուր եռամսյակ հրապարակվում են հանձնաժողովի վեբ կայքում: Այս աշխատանքների իրականացման նպատակը «Հայաստանի էլեկտրական ցանցեր» փակ բաժնետիրական ընկերության կողմից սպառողների սպասարկման որակի բազիսային ցուցանիշների սահմանումը և ընկերության կողմից իրականացվող ներդրումային ծրագրերը այդ ցուցանիշների նպատակային բարելավմանն ուղղելն է: Հանձնաժողովը 2006 թվականի սեպտեմբեր ամսին արդեն սահմանել է սպառողների հոսանքագրկումների քանակի և տևողության բազիսային ցուցանիշները, իսկ մինչև տարեվերջ կսահմանի նաև սպառողների մոտ թույլատրելի սահմաններից էլեկտրական էներգիայի լարման շեղման դեպքերի քանակի և տևողության բազիսային ցուցանիշները: Հետագայում ընկերության ներդրումային ծրագրերի համաձայնեցման ընթացքում կսահմանվեն այդ ցուցանիշների ծրագրային մեծությունները:

2006 թվականին սկսվել է բնական գազի մատակարարման համակարգում սպառողների սպասարկման որակի ցուցանիշների սահմանման համար անհրաժեշտ տեղեկատվական բազաների ձևավորման գործընթացը: 2007 թվականին հանձնաժողովը կուսումնասիրի հավաքագրված տեղեկատվության հավաստիությունը և կշարունակի տեղեկատվական բազաների համալրման գործընթացը՝ հետագայում այդ ցուցանիշները սահմանելու նպատակով:

Զրային համակարգում, իհմք ընդունելով հաստատված «Խմելու ջուր մատակարարող ընկերությունների կողմից սպառողներին մատուցվող ծառայությունների որակի չափանիշների սահմանման և այդ չափանիշների

մոնիթորինգի կարգը» և «Խմելու ջուր մատակարարող ընկերությունների կողմից սպառողներին մատուցվող ծառայությունների որակի չափանիշների ներդրման և մոնիթորինգի ժամանակացույցը», հանձնաժողովը 2006 թվականի ապրիլին հաստատել է խմելու ջուր մատակարարող ընկերությունների կողմից մատուցվող ծառայությունների որակի ցուցանիշների գրանցամատյանների օրինակելի ձևերը և դրանց վարման կարգը, ինչպես նաև հանձնաժողովը ներկայացվող տեղեկատվության ձևերը և դրանց ներկայացման կարգը:

2007 թվականի ընթացքում հանձնաժողովը կուսումնասիրի խմելու ջուր մատակարարող ընկերությունների կողմից սպառողների սպասարկման որակի չափանիշների վերաբերյալ ներկայացված տեղեկատվությունը և, անհրաժեշտության դեպքում, հաստատված գրանցամատյանների և հանձնաժողով ներկայացվող տեղեկատվության օրինակելի ձևերի մեջ կկատարվեն համապատասխան փոփոխություններ:

Հանձնաժողովը, հաշվի առնելով ոռոգման ջուր մատակարարող ընկերությունների կողմից մատուցվող ծառայության առանձնահատկությունները, ընթացիկ տարում ուսումնասիրում է վթարների, ջրամատակարարման ընդհատումների տևողության և դիմում-բողոքների հաշվառման վերաբերյալ ընկերություններում ձևավորված, ինչպես նաև այս ոլորտում միջազգային փորձը:

Մինչև 2007 թվականի ապրիլ ամիսը, համագործակցելով բոլոր շահագրգիռ կողմերի հետ, հանձնաժողովը կսահմանի վերը նշված չափանիշների վերաբերյալ գրանցամատյանների և հանձնաժողով ներկայացվող տեղեկատվության օրինակելի ձևերը:

Իրականացվող ներդրումների, ինչպես նաև շահագործման և պահպանման ծախսերի արդյունավետության բարձրացման նպատակով հանձնաժողովը մի շարք կարգավորվող ընկերությունների համար հաստատել է ապրանքների, աշխատանքների և ծառայությունների գնումների կարգեր: Այս գործընթացի նկատմամբ պատշաճ վերահսկողություն իրականացնելու նպատակով ներդրվել են եռամսյակային հաշվետվությունների ձևեր և յուրաքանչյուր տարի ուսումնասիրվում է ընկերությունների կողմից նախորդ տարվա ընթացքում իրականացված գնումներ գործընթացը՝ կազմելով համապատասխան վերլուծական տեղեկանքներ: 2007 թվականին հանձնաժողովը կշարունակի ընկերությունների կողմից իրականացվող գնումների ուսումնասիրության գործընթացը և անհրաժեշտության դեպքում կկատարելագործի դրանց իրականացման մեխանիզմները:

Փոքր հիդրոէներգետիկայի բնագավառում ներդրումների խրախուսման ուղղությամբ հանձնաժողովի կողմից վարվող քաղաքականության արդյունքում յուրաքանչյուր տարի արձանագրվում են նոր դրական արդյունքներ, որոնք վկայում

Են բնագավառի զարգացման կայուն տեմպերի մասին: 2006 թվականի սեպտեմբերի 1-ի դրությամբ հանրապետությունում գործում են 46 փոքր հիդրոէլեկտրակայաններ, ևս 51-ը գտնվում են կառուցման փուլում: Այժմ գործող փոքր հիդրոէլեկտրակայանների գումարային հզորությունը կազմում է մոտ 57 ՄՎտ, որոնք միջին տարեկան հաշվով արտադրում են շուրջ 200 մլն կՎտժ էլեկտրաէներգիա: Կառուցվող փոքր հիդրոէլեկտրակայանների գումարային հզորությունը կազմում է շուրջ 119 ՄՎտ և սպասվում է, որ դրանք գործարկումից հետո տարեկան միջին հաշվով կարտադրեն ավելի քան 443 մլն կՎտժ էլեկտրաէներգիա:

Բարենպաստ պայմաններ ստեղծելով փոքր հիդրոէներգետիկայի կառուցման համար, հանձնաժողովը միաժամանակ հետևում է դրանց իրականացման ընթացքին՝ համապատասխան պատժամիջոցները կիրառելով իրենց պարտավորությունները պատշաճ կարգով չկատարող ընկերությունների նկատմամբ: 2006 թվականի առաջին երեք եռամսյակի ընթացքում լիցենզիայի պայմաններում սահմանված ժամկետներում փոքր հիդրոէլեկտրակայանները չգործարկելու կամ սահմանված ժամկետում դրանց համապատասխան փորձաքննություններ անցած նախագծերը հանձնաժողովը չներկայացնելու համար հանձնաժողովը որոշում է կայացրել 7 ընկերությունների ֆինանսական պատասխանատվության ենթարկելու և պետական բյուջե 15.6 մլն դրամ փոխանցելու վերաբերյալ:

2007 թվականին հանձնաժողովը կձեռնարկի անհրաժեշտ բոլոր քայլերը այս բնագավառի զարգացման տեմպերը պահպանելու և նոր ներդրումներ ներգրավելու ուղղությամբ, իսկ իրենց պարտավորությունները պատշաճ կերպով չկատարող ընկերությունների նկատմամբ կշարունակվեն կիրավել համապատասխան տույժեր:

6.Հեռահաղորդակցության բնագավառ

Հանձնաժողովը 2006 թվականին մեծածավալ աշխատանքներ է տարել էլեկտրոնային հաղորդակցության բնագավառում «Էլեկտրոնային հաղորդակցության մասին» <<օրենքով իրեն վերապահված գործառություններն իրականացնելու համար: Այս բնագավառում գործունեություն իրականացնող անձանց փոխհարա-բերությունները հստակեցնելու նպատակով հանձնաժողովը մշակել և հաստատել է լիցենզավորման ենթակա գործունեությունների լիցենզավորման, ռադիոհա-ձախականությունների օգտագործման թույլտվությունների տրամադրման և վեճերի լուծման գործընթացները կանոնակարգող, ինչպես նաև գործունեություն իրականացնելու համար օրենքով

նախատեսված վճարները սահմանող փաստաթղթեր: Ընդ որում, այս փաստաթղթերը մշակելիս, հանձնաժողովը նպատակ է ունեցել հնարավորինս պարզեցնել մինչ այժմ գոյություն ունեցող ընթացակարգերը, ինչպես նաև օպտիմալացնել գործունեության լիցենզիա կամ թույլտվություն տրամադրելու համար պահանջվող փաստաթղթերի ցանկը: Սահմանվել են նաև լիցենզավորված անձանց կողմից հանձնաժողով ներկայացվող ֆինանսական հաշվետվությունների ձևերը և այլ առաջնային փաստաթղթեր:

«Էլեկտրոնային հաղորդակցության մասին» << օրենքի պահանջներից ելնելով՝ հանձնաժողովը Հայաստանի Հանրապետության տրամադրութիւն և կապի նախարարությունից ընդունել է էլեկտրոնային հաղորդակցության ոլորտին առընչվող բոլոր անհրաժեշտ փաստաթղթերը՝ հանձնման-ընդունման ընթացքում սերտորեն համագործակցելով նախարարության և շահագրգիռ ընկերությունների հետ: Ելնելով էլեկտրոնային հաղորդակցության ոլորտի զարգացման քաղաքականությամբ պայմանավորված առաջնահերթ խնդիրներից, հանձնաժողովը 2007 թվականին նույնպես կշարունակի այդ համագործակցությունը, նպատակ ունենալով կարգավորման գործընթացները դարձնել առավել թափանցիկ և ընկալելի էլեկտրոնային հաղորդակցության բնագավառում գործունեություն իրականացնող անձանց, հանրության և հասարակական կազմակերպությունների համար:

Հաշվի առնելով 2006 թվականի կատարած աշխատանքները և ուսումնասիրելով այդ բնագավառի կարգավորման հարցում եվրոպական, այդ թվում՝ նախկին խորհրդային մի շարք երկրների (Եստոնիա, Լատվիա, Լիտվա) առաջավոր փորձը, հանձնաժողովը նախատեսում է 2007 թվականի ընթացքում, «Էլեկտրոնային հաղորդակցության մասին» << օրենքով իրեն վերապահված իրավասությունների շրջանակում, գործունեություն ծավալել հետևյալ ուղղություններով:

- հանրային էլեկտրոնային հաղորդակցության ցանցերի և ծառայությունների ոլորտում մրցակցության զարգացում,
- լիցենզավորված անձանց՝ օրենսդրության և լիցենզիայի (թույլտվության) պահանջների կատարման ընթացքի մոնիթորինգ, էլեկտրոնային հաղորդակցության ծառայությունների մատուցման և ցանցերի ոլորտում մրցակցության երաշխավորում և որևէ աղավաղման բացառում,

- սահմանափակ ռեսուլտսների, ներաջալ ռադիոհաճախականությունների տիրույթի և համարների արդյունավետ օգտագործման ապահովում,
- էլեկտրոնային հաղորդակցության ցանցերի և ծառայությունների ոլորտում գործունեություն ծավալելու ընթացակարգերի հնարավորինս պարզեցում,
- մինչև «Էլեկտրոնային հաղորդակցության մասին» ՀՀ օրենքն ուժի մեջ մտնելը հանրային էլեկտրոնային հաղորդակցության ցանց շահագործելու կամ հանրային էլեկտրոնային հաղորդակցության ծառայություն մատուցելու համար նախկինում տրված լիցենզիաները և ռադիոհաճախականություններ օգտագործելու թույլտվությունները գործող օրենսդրությանը համապատասխանեցում,
- էլեկտրոնային հաղորդակցության բնագավառում տեղական և արտերկյա ներդրումները խթանող իրավական դաշտի գարգացում,
- հանրային էլեկտրոնային հաղորդակցության ցանցերի օպերատորների գործունեության որակի չափանիշների սահմանում,
- մատուցվող ծառայությունների սպասարկման որակի չափանիշների սահմանում,
- հանձնաժողովին հատկացված ռադիոհաճախականությունների առևտրային (կոմերցիոն) տիրույթի օգտագործման պլանավորում և համակարգում,
- ռադիոհաճախականությունների տիրույթը օգտագործելու թույլտվություն ունեցող անձանց գրանցամատյանի ստեղծում և իրապարակում:

Մինչև 2006 թվականի վերջը կմշակվի էլեկտրոնային հաղորդակցության բնագավառի կարգավորման քաղաքականության հայտարարությունը, որի դրույթների իրականացման նպատակով 2007 թվականին կմշակվեն և կնդունվեն կոնկրետ իրավական ակտեր, մասնավորապես՝ նպատակառությամբ հեռահաղորդակցության շուկայի հնարավորինս ազատականացմանը:

Հանձնաժողովը, համագործակցելով Համաշխարհային բանկի հայաստանյան գրասենյակի, ԱՄՆ Միջազգային զարգացման գործակալության (USAID) առևտրային իրավունքի և տնտեսական կարգավորման ծրագրի շրջանակներում գործող «Բերինգ Փոյնթ» խորհրդատվական ընկերության հետ, կիրականացնի հեռահաղորդակցության զարգացած ենթակառուցվածք ունեցող եվրոպական և ամերիկյան, ինչպես նաև տեղեկատվական տեխնոլոգիաների

ներդրման գործում զարգացման բարձր տեմպեր ունեցող Երկրներում համընդիանուր ծառայությունների մատուցման փորձի ուսումնասիրություն:

Նպատակ ունենալով ընդգրկուն խորհրդատվական աջակցություն ստանալ միջազգային լավագույն փորձի վերաբերյալ և հաշվի առնելով Հայաստանի Հանրապետության առանձնահատկությունները, հանձնաժողովը դիմել է PPIAF հիմնադրամին՝ համընդիանուր ծառայությունների ներդրման հետ կապված փաստաթղթերի փաթեթ նախապատրաստելու համար համապատասխան աջակցություն ստանալու ակնկալիքով: Ծրագրի բարեհաջող ընթացքի դեպքում հանձնաժողովն իր տրամադրության տակ կունենա համընդիանուր ծառայությունների ներդրման, համընդիանուր ծառայությունների հիմնադրամի ձևավորման, համալրման և կառավարման վերաբերյալ փաստաթղթերի ամբողջական փաթեթ: Նշված աշխատանքների իրականացումը մեծապես կնպաստի հեռահաղորդակցության ծառայությունների իրական հասանելիությանը և մատչելիությանը հատկապես մարզերում և ենթակառուցվածքների համեմատաբար ցածր զարգացում ունեցող գյուղական վայրերում:

2007 թվականի ընթացքում հանձնաժողովը, հետևելով թիվ 60 լիցենզիայի պայմանների կատարմանը, պարբերաբար ուսումնասիրություններ կանցկացնի «ԱրմենՏել» ՓԲԸ-ում: Նախատեսվում է իրականացնել գյուղական ցանցերի զարգացման նպատակով «ԱրմենՏել» ՓԲԸ-ի կողմից CDMA անլար ցանցերի ներդրման գործընթացի մոնիթորինգ, ինչպես նաև գործուն քայլեր իրականացնել ծրագրի բարեհաջող ավարտն ապահովելու ուղղությամբ: Հանձնաժողովն իրատեսական է համարում CDMA տեխնոլոգիայով անլար հեռախոսակապի ներդրման գործընթացի շարունակումը 2007 թվականի ընթացքում, որը հնարավորություն կտա գյուղական բնակավայրերում օգտագործել ոչ միայն թվային հեռախոսակապ, այլև ունենալով արագագործ ինտերնետային ծառայություն՝ օգտվել ժամանակակից տեղեկատվական ծառայություններից:

Հարկ է նշել, որ CDMA անլար ցանցերի նշված տեխնոլոգիան լայն տարածում է գտել բավական թվով Երկրներում, մասնավորապես՝ ԱՊՀ-ում, Չինաստանում, Հնդկաստանում և այլ զարգացող Երկրներում:

Հայաստանի Հանրապետության հետագա զարգացումը մեծապես պայմանավորված է ժամանակակից տեղեկատվական և հաղորդակցական տեխնոլոգիաների ներդրմանը, ինչը ուղղակիորեն ենթադրում է հաղորդակցության որակյալ ենթակառուցվածքի առկայություն և, մասնավորապես, ինտերնետ հասանելիություն:

Այս կապակցությամբ 2007 թվականին հանձնաժողովի ուշադրության կենտրոնում կլինի հանրապետությունում ինտերնետ հասանելիության ծառայությունների բարելավման հարցը, ինչի համար էլ 2006 թվականին կատարվել է առաջին քայլը՝ շահագրգիռ բոլոր կողմերի (Տեղեկատվական տեխնոլոգիաների զարգացմանն աջակցող խորհուրդ, «ԱրմենՏել», ինտերնետ ծառայություններ մատուցողներ) հետ համատեղ քննարկումներից հետո ապրիլ ամսին հանձնաժողովի որոշմամբ հաստատվել է տվյալների հաղորդման և ինտերնետ հասանելիության ծառայություններ մատուցողի կամ «ԱրմենՏել»-ի արբանյակային կապի երկրային կայանի միջոցով ինտերնետի ափինք (uplink) արբանյակային հասանելիության գնագոյացման բանաձևը, որով պրովայդերներին հնարավորություն է ընձեռվել իրենց արբանյակային կապի երկրային կայանի միջոցով ստանալու «ԱրմենՏել»-ի բացառիկ իրավունքը հանդիսացող ինտերնետի ափինք (uplink) արբանյակային հասանելիության ծառայությունը:

Շարժական կապի երկրորդ օպերատորի մուտքով պայմանավորված մրցակցության արդյունքում անհամեմատ բարձրացել է մատուցվող ծառայությունների որակը. արդեն հանրությանը մատուցվում են նոր ծառայություններ, մասնավորապես, GPRS (տվյալների հաղորդման և ինտերնետ հասանելիության ընձեռում), կանխավճարային քարտերի միջազգային ռոումինգ և այլն: Էլեկտրոնային հաղորդակցության շուկայում նկատվում են շարժական կապի սակագների նվազման և հեռախոսային կապի ծավալների (տրաֆիկ) աճի հստակ միտումներ:

7. Էլեկտրական, ջերմային էներգիայի և բնական գազի սպառման ծավալների կանխատեսում

Վերլուծելով 2005 թվականին և 2006 թվականի 6 ամիսների ընթացքում արտադրված, հաղորդված և բաշխված էլեկտրական ու ջերմային էներգիայի, ներկրված և բաշխված բնական գազի փաստացի ցուցանիշները, ընկերությունների կողմից ներկայացված նախնական կանխատեսումները, ինչպես նաև հաշվի առնելով կարգավորվող համակարգերի զարգացման միտումները, հանձնաժողովը կազմել է էլեկտրական, ջերմային էներգիայի և բնական գազի 2006 թվականին սպասվող և 2007 թվականի կանխատեսումային հաշվեկշիռները (աղյուսակներ №№ 1, 2, 3):

Ինչպես երևում է № 1 աղյուսակից, 2007 թվականին «Հայաստանի էլեկտրական ցանցեր» ՓԲԸ-ում կանխատեսվում է մուտք գործող էլեկտրական

Էներգիայի ծավալի նվազում շուրջ 2.7 % -ով, ինչը պայմանավորված է հանրապետությունում գազիֆիկացման աշխատանքների շարունակմամբ: Միաժամանակ, գերնորմատիվային կորուստների նվազման արդյունքում բաշխիչ ցանցերում էլեկտրական էներգիայի հաշվեգրված սպառումը կպակասի ընդամենը 0.5% -ով:

2007 թվականին էլեկտրական էներգիայի ընդհանուր արտադրության մեջ ատոմային էլեկտրակայանի մասնաբաժինը կանխատեսվում է 47.22% (2005 թվականին կազմել է 43.01%, իսկ 2006 թվականին սպասվում է 44.15%), ջերմային էլեկտրակայաններինը՝ 18.93% (2005 թվականին կազմել է 28.93%, իսկ 2006 թվականին սպասվում է 24.01%), հիդրոէլեկտրակայաններինը՝ 33.76% (2005 թվականին կազմել է 28.06%, իսկ 2006 թվականին սպասվում է 31.8%) և հողմային էլեկտրակայաններինը՝ 0.09% (2006 թվականին սպասվում է 0.04%):

Երկրորդ աղյուսակում տրված է բնական գազի 2006 թվականին սպասվող և 2007 թվականի կանխատեսվող հաշվեկշիռները: Ըստ կանխատեսման, 2007 թվականին 2006 թվականի համեմատությամբ սպառողներին առաքվող բնական գազի ծավալը կազի՝ շուրջ 3.2%:

Երրորդ աղյուսակում տրված է կենտրոնացված ջերմանատակարարման և արդյունաբերական կարիքների համար ջերմային էներգիայի 2007 թվականի կանխատեսվող հաշվեկշիռը: 2007 թվականին 2006 թվականի համեմատությամբ ջերմային էներգիայի արտադրության աճ գրեթե չի սպասվում: 2007 թվականին 8.3% -ով կավելանա արդյունաբերական կարիքների համար «Նախրիտ գործարան» ՓԲԸ -ի սպառումը:

ԷԼԵԿՏՐԱԿԱՆ ԷՆԵՐԳԻԱՅԻ 2006-2007 թթ. ՀԱՇՎԵԿԾԻՈԾ

	Ցուցանիշի անվանումը	Չափի միավոր	2006 թ. սպասվող	2007 թ. կանխա- տեսվող
1	Էլեկտրաէներգիայի արտադրություն	մլն կՎտժ	5644	5273
1.1	այդ թվում՝ ՀԵԿ	"_"	2492	2490
1.2	ՀԵԿ-ԵՐ	"_"	1795	1780
1.2.1	որից՝ «Միջազգային Էներգետիկ կորպորացիա» ՓԲԸ	"_"	560	520
1.2.2	«Որոտանի ՀԵԿ» ՓԲԸ	"_"	1005	1000
1.2.3	Զորա ՀԵԿ	"_"	70	70
1.2.4	Մասնավոր փոքր ՀԵԿ-ԵՐ	"_"	160	190
1.3	«Լորի-1» հողմային էլեկտրակայան	"_"	2	5
1.4	ԶԵԿ-ԵՐ	"_"	1355	998
1.4.1	որից՝ «Հրազդանի Էներգետիկ կորպորացիա» ՓԲԸ	"_"	1005	648
1.4.2	«Երևանի ԶԵԿ» ՓԲԸ	"_"	350	350
2	Էլեկտրաէներգիայի ծախսը սեփական կարիքների համար	մլն կՎտժ	304.7	300.03
2.1	Նույնը՝ %-ով տող 1-ի նկատմամբ	%	5.40%	5.69%
3	Առաքում կայաններից	մլն կՎտժ	5339.30	4972.97
4	Ներփակում	մլն կՎտժ	334.7	275
5	Ընդամենը մուտք բարձր լարման	մլն կՎտժ	5674.0	5247.97
6	Կորուստները բարձր լարման	մլն կՎտժ	95.0	94.73
6.1	Նույնը՝ %-ով տող 5-ի նկատմամբ	%	1.67%	1.81%
7	Արտահոսք	մլն կՎտժ	682	390
8	Մուտք «Հայաստանի էլեկտրական ցանցեր»	մլն կՎտժ	4897.0	4763.2
9	Կորուստները բաշխիչ ցանցերում	մլն կՎտժ	755.4	643
9.1	Նույնը՝ %-ով տող 8-ի նկատմամբ	%	15.43%	13.5%
10	Ներքին սպառում	մլն կՎտժ	4141.6	4120.2

ԲՆԱԿԱՆ ԳԱԶԻ 2006-2007 թթ. ՀԱՇՎԵԿԾԻՈԸ

	Ցուցանիշի անվանումը	Չափի միավոր	2006 թ. սպասվո- ղ	2007 թ. կանխա- տեսվող
1	Բնական գազի ներկրում	մլն ն մ ³	1719.1	1721.6
2	Տեխնոլոգիական կրղուստները գազի համակարգում	մլն ն մ ³	140	92.52
2.1	Նույնը՝ %-ով տող 1-ի նկատմամբ	%	8.14%	5.37%
3	Գազի ծախսը սեփական կարիքների համար	մլն ն մ ³	11.5	9.07
3.1	Նույնը՝ %-ով տող 1-ի նկատմամբ	%	0.67%	0.53%
4	Մղվել և ստորգետնյա պահեստարաններ	մլն ն մ ³	65	70
5	Բնական գազի առաքումը սպառողներին որից՝	"_"	1502.6	1550.0
5.1	Էներգետիկ համակարգ	"_"	452	350
5.2	Արդյունաբերություն	"_"	350	387
5.3	Բյուջետային կազմակերպություններ	"_"	30	32
5.4	Բնակչություն	"_"	400	480
5.5	Զեռուցման համակարգ	"_"	0.6	1.0
5.6	Այլ սպառողներ	"_"	270	300

ԶԵՐՄԱՅԻՆ ԷՆԵՐԳԻԱՅԻ 2006-2007 թթ. ՀԱՇՎԵԿԾԻՌԸ

	Ցուցանիշի անվանումը	Չափի միավոր	2006 թ. սպասվո ղ	2007 թ. կանխա- տեսվող
1	ԶԵՐՄԱՅԻՆ ԷՆԵՐԳԻԱՅԻ ԱՐՏԱՊՐՈՎԵՐՅՈՒՆԸ, այդ թվում՝	հազ գջ	1528.5 5	1530.86
1.1	«Երևանի ՋԷԿ» ՓԲԸ	"_"	1358.8 5	1530.86
1.2	«Հրազդանի էներգետիկ կազմակերպություն (ՀրազՁԷԿ)» ԲԲԸ	"_"	169.7	0
2	ԶԵՐՄԱՅԻՆ ԷՆԵՐԳԻԱՅԻ ԿՈՐՈՒՍՄԱՆԵՐԸ, այդ թվում՝	հազ գջ	181.66	117.47
2.1	«Երևանի ՋԷԿ» ՓԲԸ	"_"	98.66	117.47
2.2	«Հրազդանի էներգետիկ կազմակերպություն (ՀրազՁԷԿ)» ԲԲԸ	"_"	83	0
2.3	Նույնը՝ %-ով տող 1-ի նկատմամբ	%	11.89%	7.67%
3.0	ԶԵՐՄԱՅԻՆ ԷՆԵՐԳԻԱՅԻ օԳՏԱԿԱՐ ԱՐԱՔՈՒՄԸ, այդ թվում՝	հազ գջ	1346.8 9	1413.39
3.0.1	«Երևանի ՋԷԿ» ՓԲԸ	"_"	1260.1 9	1413.39
3.0.2	«Հրազդանի էներգետիկ կազմակերպություն (ՀրազՁԷԿ)» ԲԲԸ	"_"	86.7	0
3.1	ԿԵՆՏՐՈՆԱԳՎԱԾ ԶԵՐՈՒՏՄԱՆ ՀԱՄԱՐ որից՝	"_"	113.1	76.78
3.1.1	«Երևանի ՋԷԿ» ՓԲԸ	"_"	26.4	76.78
3.1.2	«Հրազդանի էներգետիկ կազմակերպություն (ՀրազՁԷԿ)» ԲԲԸ	"_"	86.7	0
3.2	ԱՐԴՅՈՒՆԱԲԵՐԱԿԱՆ ԼԱՐԻՔՆԵՐԻ ՀԱՄԱՐ	"_"	1233.7 9	1336.61
3.2.1	«Երևանի ՋԷԿ» ՓԲԸ, այդ թվում՝	"_"	1233.7 9	1336.61
3.2.2	«Նախարարական գործարան» ՓԲԸ	"_"	1233.7 9	1336.61

8. Սպառողների հետ տարկող աշխատանքներ

Հանձնաժողովը, դեկավարվելով << համապատասխան օրենքներով, մեծ նշանակություն է տալիս սպառողների և կարգավորվող ընկերությունների իրավունքների պաշտպանությանը և շահերի հավասարակշռմանը:

Կարգավորվող անձանց հետ համատեղ, հասարակական կազմակերպությունների ու սպառողների մասնակցությամբ, պարբերաբար քննարկումներ են կազմակերպվում սպառողների հարցադրումների և բողոքների վերաբերյալ:

Հանձնաժողովի համապատասխան ծառայությունը 2006 թվականի սկզբից մինչև սեպտեմբերի 1-ն ընկած ժամանակահատվածում ստացել է 96 գրավոր բողոք, «Հրատապ հեռախոսով» և քաղաքացիների ընդունելության արդյունքում՝ 532 բողոք և հարցադրում, որոնցում բարձրացված բոլոր խնդիրներին համապատասխան ընթացք է տրվել: Քննարկումների շրջանակներում, հարցերն ավելի մանրամասն ուսումնասիրելու նպատակով, կատարվել է 20 ստուգայց:

Սպառողների շրջանում բացատրական աշխատանքներն ավելի արդյունավետ դարձնելու նպատակով «Սպառողների իրավունքների պաշտպանություն» հասրակական կազմակերպության հետ համատեղ, հայկական 2-րդ հեռուստաալիքով սպառողներին է ներկայացվել հանձնաժողովի կողմից կարգավորվող ոլորտներում սպառողների հիմնական իրավունքների ու պարտավորությունների մասին տեղեկացնող պաստառները: Այդ պաստառները փակցված են «Հայփոստ» ՓԲԸ-ի բոլոր բաժանմունքներում:

Սպառողներին հեռահաղորդակցության բնագավառի մասին ավելի մանրամասն իրազեկելու նպատակով 2007 թվականին նախատեսվում է ԱՄՆ Միջազգային զարգացման գործակալության ,Բերինգ Փոյնթ խոհրդատվական ընկերության հետ մշակել և հրապարակել սպառողների իրավունքների ու պարտավորությունների վերաբերյալ բոլոշուրներ:

Հանձնաժողովի կողմից կարգավորվող ոլորտներին վերաբերող <<օրենքներին և իրավական ակտերին սպառողներին իրազեկելու նպատակով շարունակվելու է հեռուստատեսային հաղորդումների նոր շարքի կազմակերպումը:

2007 թվականին մարզպետարանների հետ համատեղ կշարունակվեն աշխատանքները մարզերի բնակչության հետ կապը բարելավելու, էլեկտրոնային փոստով հաղորդակցվելու, հանրային ծառայությունների վերաբերյալ սպառողների

դիմումներին, առաջարկություններին կապի այս ձևով ընթացք տալու ուղղությամբ:

9. Զանգվածային լրատվամիջոցների, հասարակական կազմակերպությունների հետ տարվող աշխատանքներ

2007 թվականին, հանձնաժողովի հրապարակային և թափանցիկ գործելառքին հավատարիմ, նախատեսվում է զարգացնել համագործակցությունը զանգվածային լրատվամիջոցների հետ, որի շրջանակներում ծրագրվում է կազմակերպել քննարկումներ, սեմինարներ, մամլո ասուլիսներ, հանձնաժողովում հավատարմագրված լրագրողների, սպառողների շահերի պաշտպանությամբ մտահոգ հասարակական կազմակերպությունների ներկայացուցիչների մասնակցությամբ: Սպառողներին ծառայություններ մատուցող խոշոր ընկերությունների հետ համատեղ 2007 թվականին ևս կկազմակերպվեն սեմինարներ՝ հանրային ծառայությունների ոլորտը լուսաբանող զանգվածային լրատվամիջոցների և սպառողների շահերը պաշտպանող հասարակական կազմակերպությունների ներկայացուցիչների մասնակցությամբ:

Հանձնաժողովի ընդունած նորմատիվային փաստաթղթերի, ծառայություններ մատուցող ընկերությունների, սպառողների իրավունքների և պարտականությունների վերաբերյալ զանգվածային լրատվամիջոցներով կտրվեն հանրությանը մատչելի պարզաբանումներ: Էլեկտրոնային հեռահաղորդակցության ոլորտի առանձնահատկությունների վերաբերյալ կկազմակերպվեն հասարակական լսումներ, բանավեճ-քննարկումներ, որտեղ մասնակիցները հնարավորություն կունենան հանդես գալու ելույթներով, ներկայացնելու առաջարկություններ:

Նկատի ունենալով, որ 2007 թվականին լրանում է հանձնաժողովի ստեղծման տասնամյա հոբելյանը, ծրագրվում է զանգվածային լրատվամիջոցներով իրականացնել ձանաչողական, տեղեկատվական բնույթի հրապարակումներ, հաղորդումներ, ստեղծել հանձնաժողովի գործունեության մասին հանրային կարծիքի արխիվ:

Կարևորելով կարգավորման գործընթացում հանրությանն առավելագույնս ներգրավելու անհրաժեշտությունը, նախատեսվում է շարունակել հանրային ծառայությունների վերաբերյալ մամուլի ամենօրյա արձագանքների պատշաճ ուսումնասիրությունը: Հարկ եղած դեպքում ահազանգերի վերաբերյալ գրավոր

պարզաբանումներ կպահանջվեն ծառայություններ մատուցող ընկերություններից:

Կշարունակվեն հանձնաժողովի անդամների, աշխատակազմի մասնագետների մասնակցությամբ ճանաչողական բնույթի հաղորդումները, ուղիղ հեռուստա-ռադիոեթերները, որոնք լավագույնս նպաստում են հանրության հետ հետադարձ կապի ամրապնդմանը:

2007 թվականին կիարստացվի նաև հանձնաժողովի ինտերնետային կայքը: Կայքի բարեփոխման արդյունքում, ավելի մատչելի և տեխնիկապես պարզեցված ձևով սպառողին կտրամադրվեն հանրային ծառայությունների ոլորտի վերաբերյալ ամբողջ տեղեկատվությունը և նորմատիվ իրավական բազան:

Ծրագրվում է ակտիվորեն համագործակցել ԶԼՄ-ների հետ համատեղ անցկացվելիք բոլոր այն միջոցառումներին, որոնք նպաստում են կառավարություն-հանրություն երկխոսության զարգացմանը, լավագույն ձևով կազմակերպել հանձնաժողովի աշխատակազմի և հավատարմագրված լրատվամիջոցների համատեղ աշխատանքը, նպաստել հանրության՝ անաշարժեղեկություն ստանալու իրավունքի ապահովմանը:

Ֆինանսական միջոցների առկայության դեպքում կտպագրվեն նաև սպառողների շահերի պաշտպանությանը վերաբերող գովազդային պաստառներ, հեռուստատեսությամբ կիեռարձակվեն սպառողների իրավունքների վերաբերյալ տեղեկատվական հոլովակներ:

10.Համագործակցություն

Հանձնաժողովն իր առաջնահերթ խնդիրներից և պարտականություններից է համարում աշխատակազմի ուսուցման ու վերապատրաստման, միջազգային փորձի ուսումնասիրության և ներդրման, փորձի փոխանակման աշխատանքների կազմակերպումը: Այդ առումով հանձնաժողովի մասնագետները Կենտրոնական, Արևելյան Եվրոպայի և Եվրասիայի անդամ երկրների էներգետիկայի կարգավորող հանձնաժողովների տարածաշրջանային ընկերակցության (ERRA) անդամակցության շրջանակներում 2006 թվականին մասնակցել են սակագնային, լիցենզավորման, իրավաբանական կոմիտեի նիստերին, «Ամառային դպրոց» դասընթացին, ընկերակցության տարեկան համաժողովներին:

Հանձնաժողովը հեռահաղորդակցության կարգավորման հարցերով սերտորեն համագործակցում է ԱՄՆ Միջազգային զարգացման գործակալության (USAID) առևտրային իրավունքի և տնտեսական կարգավորման ծրագրի շրջանակներում գործող ,Բերինգ Փոյնթե խորհրդատվական ընկերության հետ: Հանձնաժողովի մասնագետների որակավորումը բարձրացնելու նպատակով Համաշխարհային բանկի, ԱՄՆ Միջազգային զարգացման գործակալության ,Բերինգ Փոյնթե

ընկերության, Միջազգային հեռահաղորդակցության ընկերակցության կողմից կազմակերպվել են մի շարք սեմինարներ տարբեր թեմաներով, մասնավորապես՝

- Առևտուրի համաշխարհային կազմակերպության նկատմամբ Հայաստանի Հանրապետության պարտավորությունների կատարումը հեռահաղորդակ-ցության և տեղեկատվության ոլորտում,
- հեռահաղորդակցության ոլորտում կարգավորողի կողմից վեճերի լուծում,
- համընդհանուր ծառայություններ և համընդհանուր հասանելիություն,
- հեռահաղորդակցության և տեղեկատվական տեխնոլոգիաների զարգացման հեռանկարներ:

Հանձնաժողովն անհրաժեշտ է համարում միջազգային փորձի ուսումնասիրումը և այդ առումով 2007 թվականին նույնպես կշարունակի իր մասնագետների ուսուցման ու վերապատրաստման գործընթացները, ինչպես նաև համագործակցությունը միջազգային կազմակերպությունների և այլ երկրների կարգավորող մարմինների հետ: 2007 թվականին նախատեսվում է հանձնաժողովի մասնագետների մասնակցությունը՝

-Էներգետիկայի կարգավորող հանձնաժողովների տարածաշրջանային ընկերակցության (ERRA) հերթական հանդիպումներին և նիստերին,

-Համաշխարհային բանկի, ԱՄՆ Միջազգային զարգացման գործակալության «Բերինգ Փոյնթ» խորհրդատվական ընկերության աջակցությամբ հանձնաժողովի աշխատակազմի համար նախատեսված՝ հեռահաղորդակցության ոլորտին վերաբերող հիմնահարցերի վերաբերյալ մի շարք ուսուցողական միջոցառումների, ինչպես նաև ոլորտի համաժողովներին և այլ հանդիպումներին,

-ԱՄՆ-ի Քենտուկի նահանգի հասարակական ծառայությունների հանձնաժողովի հետ արդեն իսկ ավանդույթ դարձած փորձի փոխանակման հերթական հանդիպումներին,

-ԱՄՆ Միջազգային զարգացման գործակալության և Կրթությամբ զարգացման ակադեմիայի կողմից կազմակերպվող սեմինարներին,

-ԱՄՆ Միջազգային զարգացման գործակալության, ՓիԷյ Քընսալթինգ Գրուպ խորհրդատվական ընկերության կողմից կազմակերպվող էներգետիկայի բնագավառին և ջրային համակարգին վերաբերող սեմինարներին: